

Universiteit van Pretoria Jaarboek 2017

BTRP Stads- en Streekbeplanning (12132026)

Duur van studie 4 jaar

Totale krediete 480

Programinligting

Stads- en streekbeplanning het hoofsaaklik te make met die beplanning, ontwerp, imple-mentering en bestuur van publieke intervensies in die ontwikkeling en gebruik van grond vanaf erf- tot supranasionale vlak ten einde keuses te verbreed, gelykheid te bevorder en volhoubare ontwikkeling te verseker. Die dryfveer agter die professie is die generering van lewensvatbare alternatiewe tot huidige nedersettingstipes. Op die huidige tydstop in Suid-Afrika se geskiedenis is stads- en streekbeplanning 'n sleutelprofessie in die gelykmaking van ruimtelike en ander wanbalanse in beide stedelike en landelike gebiede, sowel as die verbetering van oneffektiewe en onderpresterende leefomgewings.

Die ideale stads- en streekbeplanner is 'n kreatiewe persoon wat in staat is om met innoverende oplossings vir komplekse probleme vorendag te kom, 'n bemiddelaar wat uiteenlopende standpunte met mekaar kan versoen, 'n strategiese denker en 'n goeie bestuurder. Gegewe die enorme agterstande in die veld van behuising en ander sosiale dienste en die ellende waarin vele Suid-Afrikaners hulle tans bevind, moet beplanners ook 'n sterk ontwikkelde sin van sosiale en omgewingsgeregtigheid hê en hulle verbind tot menslike ontwikkeling. Terwyl die meerderheid stads- en streekbeplanners as privaat konsultante vir die openbare en die private sektor optree, word hulle ook in diens geneem deur al drie sfere van regering, navorsingsinstansies soos die WNNR en die RGN, nieregerings-organisasies, gemeenskapsgebaseerde organisasies, groot finansiële instellings en eiendomsontwikkelingsgroepe.

Toelatingsvereistes

- Die volgende persone sal vir toelating oorweeg word: 'n kandidaat wat oor 'n sertifikaat beskik wat deur die Universiteit as gelykstaande aan die vereiste Graad 12-sertifikaat met toelating vir graaddoeleindes aanvaar word; 'n kandidaat wat 'n gegradueerde van 'n ander tersiêre instelling is of die status van 'n gegradueerde van so 'n instelling geniet; en 'n kandidaat wat 'n gegradueerde van 'n ander fakulteit van die Universiteit van Pretoria is.
- Lewensoriëntering word uitgesluit by die berekening van die TPT.
- Graad 11-uitslae word gebruik vir die voorlopige toelating van voornemende studente.
- 'n Geldige kwalifikasie met toelating vir graadstudie word vereis.
- Minimum vak- en prestasievereistes, soos hieronder uiteengesit, word vereis. Op eerstejaarsvlak het studente 'n keuse tussen Afrikaans en Engels as taalmedium. In verskeie gevalle word lesings slegs in Engels aangebied, byvoorbeeld vir keusemodules waar die dosent nie Afrikaans magtig is nie, of indien dit nie ekonomies of prakties regverdigbaar is nie.

Minimum vereistes

Prestasievlak								
Afrikaans of Engels				Wiskunde				TPT
NSS/IEB	HIGCSE	AS-Level	A-Level	NSS/IEB	HIGCSE	AS-Level	A-Level	
5	3	C	C	4	3	D	D	27

Bevordering tot volgende studiejaar

i. Bevordering na die tweede semester van die eerste studiejaar en na die tweede studiejaar

- 'n Nuweling-eerstejaarstudent wat aan die einde van die eerste semester al die voorgeskrewe modules van die program gedruip het, word aan die begin van die tweede semester nie tot die Skool vir die Bou-omgewing hertoegelaat nie.
- 'n Student word na die tweede studiejaar bevorder mits die student (1) ten minste 100 krediete verwerf het; en (2) nie meer as een eerstejaar Stads- en Streekbeplanningmodule per semester herhaal nie; en (3) 'n finale punt van ten minste 40 – 49% behaal het in die onderskeie stads- en streekbeplanning module(s) wat herhaal word.
- 'n Student wat ingevolge (b) nie na die tweede studiejaar bevorder is nie mag nie vir tweedejaar Stads- en Streekbeplanningmodules registreer nie.
- Studente wat na die November-eksamen nie minstens 100 krediete van die eerste studiejaar geslaag het nie, moet weer aansoek doen om hertoelating indien hulle van voorneme is om hul studies voort te sit. Skriftelike aansoek moet nie later nie as 12 Januarie by die studenteadministrasie van die Skool vir die Bou-omgewing ingedien word. Laat aansoeke sal slegs in buitengewone gevalle en met goedkeuring van die Dekaan aanvaar word. Indien eerstejaar-studente hertoegelaat word, sal dit volgens die voorwaardes wees soos deur die toelatingskomitee bepaal.
- Studente wat nie al die voorgeskrewe eerstejaarmodules geslaag het nie, sowel as studente wat ingevolge (d) hertoelating verkry het, moet vir die ontbrekende eerstejaarmodules registreer.

ii. Bevordering na die derde studiejaar

- 'n Student word na die derde studiejaar bevorder mits die student (1) ten minste 200 krediete verwerf het; (2) nie enige eerstejaar of tweedejaar Stads- en streekbeplanning-module herhaal nie.
- 'n Student wat ingevolge (a) nie na die derde studiejaar bevorder is nie mag nie vir derdejaar Stads- en Streekbeplanningmodules registreer nie.

iii. Bevordering na die vierde studiejaar

- 'n Student word na die vierde studiejaar bevorder mits die student (1) ten minste 300 krediete verwerf het; (2) nie enige derdejaar Stads- en streekbeplanning-module herhaal nie.
- 'n Student wat ingevolge (a) nie na die vierde studiejaar bevorder is nie mag nie vir vierdejaar Stads- en Streekbeplanningmodules registreer nie.
- 'n Student wat aan al die vereistes vir die graad voldoen het met uitsondering van hoogstens een jaarmodule

of twee semester-modules waarin hy of sy 'n finale punt van minstens 40% behaal het, kan toegelaat word om aan die begin van die daaropvolgende semester 'n spesiale eksamen daarin af te lê.

d. Die graad word toegeken indien alle voorgeskrewe modules geslaag is.

Slaag met lof

Die graad word met lof toegeken aan 'n student wat met eerste registrasie alle modules vir die finale jaar slaag met 'n geweegde gemiddelde van 75%. Die graad moet binne die minimum voorgeskrewe tydperk voltooi word. Uitsonderlike gevalle sal deur die Dekaan oorweeg word.



Kurrikulum: Jaar 1

Minimum krediete: 162

Fundamentele modules

Academic literacy for Town and Regional Planning 123 (ALL 123) - Krediete: 6.00

Akademiese oriëntasie 112 (UPO 112) - Krediete: 0.00

Akademiese inligtingbestuur 101 (AIM 101) - Krediete: 6.00

Kernmodules

Beplanning en nedersettingsgeskiedenis sedert die Industriële Revolusie 120 (TPH 120) - Krediete: 12.00

Inleiding tot beplanning 110 (TRP 110) - Krediete: 12.00

Sosiologie 110 (SOC 110) - Krediete: 12.00

Beginnels van nedersettingsontwerp 120 (TPS 120) - Krediete: 12.00

Beplanning en nedersettingsgeskiedenis voor die Industriële Revolusie 110 (TPH 110) - Krediete: 12.00

Ekonomie 120 (EKN 120) - Krediete: 10.00

Sosiologie 120 (SOC 120) - Krediete: 12.00

Nedersettingsanalise en -evaluering 120 (TPA 120) - Krediete: 16.00

Ekonomie 110 (EKN 110) - Krediete: 10.00

Terreinanalise en -evaluering 110 (TPA 110) - Krediete: 16.00

Statistiek 110 (STK 110) - Krediete: 13.00

Statistiek 120 (STK 120) - Krediete: 13.00



Kurrikulum: Jaar 2

Minimum krediete: 132

Kernmodules

- Ontwikkelingsbeplanning 210 (TPD 210) - Krediete: 12.00
- Teorie van grondgebruikbestuur 210 (TPU 210) - Krediete: 12.00
- Grondgebruikbestuurspraktyk 262 (TPU 262) - Krediete: 6.00
- Plan- en beleidsanalise en -evaluering 210 (TPA 210) - Krediete: 12.00
- Munisipale ontwikkelingsbeplanning 220 (TPD 220) - Krediete: 12.00
- Nedersettingsontwerpkonsepte 210 (TPS 210) - Krediete: 16.00
- Dorpstigting en behuisingsvoorsiening 220 (TPS 220) - Krediete: 16.00
- Stedelike grondontwikkelingsekonomie 261 (TPU 261) - Krediete: 6.00
- Gemeenskapsgebaseerde projek 201 (JCP 201) - Krediete: 8.00

Keusemodules

- Ekonomie 214 (EKN 214) - Krediete: 16.00
- Ekonomie 234 (EKN 234) - Krediete: 16.00
- Sosiologie 210 (SOC 210) - Krediete: 20.00
- Sosiologie 220 (SOC 220) - Krediete: 20.00

Kurrikulum: Jaar 3

Minimum krediete: 120

Kernmodules

Deelnemende Beplanning 310 (TPD 310) - Krediete: 12.00

Ruimtelike konsepte 310 (TPS 310) - Krediete: 16.00

Beplanningsvooruitsigte 320 (TRP 320) - Krediete: 12.00

Institusionele en wetlike raamwerke vir beplanning 310 (TPW 310) - Krediete: 12.00

Landelike ontwikkelingsbeplanning 320 (TPD 320) - Krediete: 12.00

Vervoerbeplanning en munisipaledienstevoorsiening 320 (TMS 320) - Krediete: 16.00

Keusemodules

Sosiologie 310 (SOC 310) - Krediete: 30.00

Ekonomie 310 (EKN 310) - Krediete: 20.00

Ekonomie 320 (EKN 320) - Krediete: 20.00

Sosiologie 320 (SOC 320) - Krediete: 30.00



Kurrikulum: Finale jaar

Minimum krediete: 98

Kernmodules

Navorsingsverslag 420 (TPE 420) - Krediete: 30.00

Beplanningsintervensies: Buitestedelike en landelike skaal 452 (TPI 452) - Krediete: 12.00

Navorsingsmetodiek 410 (TPE 410) - Krediete: 12.00

Beplanningsintervensies: Stadswyk skaal 451 (TPI 451) - Krediete: 12.00

Beplanningsintervensies: Supranasionale, nasionale en streekskaal 454 (TPI 454) - Krediete: 12.00

Beplanningsintervensies: Metropolitaanse skaal 453 (TPI 453) - Krediete: 12.00

Professionele praktyk 412 (TRP 412) - Krediete: 6.00

Praktiese ontwikkelingsuitvoerbaarheid 700 (POU 700) - Krediete: 2.00

Die inligting wat hier verskyn, is onderhewig aan verandering en kan na die publikasie van hierdie inligting gewysig word.. Die [Algemene Regulasies \(G Regulasies\)](#) is op alle fakulteite van die Universiteit van Pretoria van toepassing. Dit word vereis dat elke student volkome vertrouwd met hierdie regulasies sowel as met die inligting vervat in die [Algemene Reëls](#) sal wees. Onkunde betreffende hierdie regulasies en reëls sal nie as 'n verskoning by oortreding daarvan aangebied kan word nie.